

恩施縣志卷之三

典禮志

壇廟

儀注

文廟

祀典源流附

謹按禮有五經莫重於祭崇德報功其典尤鉅我朝制通禮頒天下固已家守而戶遵之而盛節隆文守土者實躬先示之則因志壇廟而及諸儀注以明典禮

壇廟

恩施縣附府

恩施縣志

卷三

壇廟

社稷壇在府城北門外二里許馬鹿口雍正二年建今壇垣久圯

社右

稷左異位同壇皆北向

通禮歲以春秋仲月上戊日致祭府知府主之縣知縣主之在城文武官丞史把總皆與賦割牲省染盛府以佐貳縣以丞若史各一人糾儀府以教授訓導縣以教諭訓導二人執事用掾史贊相禮儀均於學弟子員選充

禮節前期主祭官暨陪祭官執事人各於公廡
齊三日掃除

壇壝內外具祝版備器皿祭之前夕飭掌饌潔備品物
置案於

神厨設香燭祇割牲官公服詣案前上香行三叩禮
畢宰人牽牲告脂遂割牲以豆取毛血瘞於坎及
祭日雞初鳴執事人入設案一於

壇上正中北向陳鉶二寶和羹簋二寶稻粱簋二寶黍
稷籩四寶形鹽棗栗鹿脯豆四寶菁菹鹿醢芹菹

恩施縣志

卷三

壇廟

二

兔醢若不能備各就土所有以其類充案前設俎
陳羊一豕一又前設香案一陳祝文香盤鑪鐙左
設一案東向陳篚一寶帛二尊一爵六又設福脰
於尊爵之次司祝一人司香帛二人司爵二人位
案西東面階下之東設洗當階爲主祭官拜位其
後爲陪祭官拜位文東武西通贊二人位階下左
右糾儀官二人分位陪祭官左右均東西面漏未
盡主祭官及陪祭官朝服畢集
壇外引贊二人引省案官入

壇徧眠牲器酒齊饌告潔退左右引班二人引陪祭官
入東西亭立東班西面西班東面引贊二人引主
祭官入至階下盥手通贊贊執事者各司其事贊
就位引贊引主祭官引班引陪祭官咸就拜位立
贊迎

神引主祭官升詣香案前跪奉香主祭官三上香與贊
復位引主祭官降階復位立贊跪叩興主祭官暨
陪祭官行三跪九叩禮贊初獻引主祭官升詣

神位前跪司帛跪奉篚主祭官受篚恭獻仍授司帛興

恩施縣志

卷三

壇廟

三

奠於案司爵跪奉爵主祭官受爵恭獻仍授司爵
興分詣

社

稷位前各奠正中皆退贊讀祝引主祭官詣香案前跪
陪祭官皆跪司祝三叩興奉祝文跪於右讀曰維
某年某月某日某官某致祭於

社

稷之神曰維

神奠安九土粒食萬邦分五色以表封圻育三農而蕃

稼穡承守土肅展明禋時屆仲穡敬備祝奠
凡九松柏鞏磐石於無疆翼翼黍苗佐神倉於不
匱尚

饗讀畢三叩興以祝文復於案退贊叩興主祭官暨
陪祭官三叩興贊復位引主祭官降階復位立贊
亞獻引主祭官升詣

神位前獻爵於左贊終獻獻爵於右均如初獻儀贊
賜福胙引主祭官升詣香案前跪司爵跪進福酒於右
主祭官受爵拱舉司爵接爵興司饌跪進豆肉於

恩施縣志

卷三

壇廟

四

左主祭官受豆拱舉司饌接豆興各退贊叩興主
祭官三叩興贊復位引主祭官復位立贊送

神贊跪叩興主祭官暨陪祭官行三跪九叩禮贊徹饌
執事官徹饌贊痊祝帛執事官奉祝次香次帛次
饌詣痊所禮畢各退

先農壇在城北門外馬鹿口雍正四年建今壇垣久圯
壇高二尺一寸寬二丈五尺正房三間中奉

先農神牌紅地金書牌高二尺四寸寬六寸牌座高五
寸寬九寸五分東貯祭器農具西貯藉田米穀配

房二間東置辦祭品西守農居住繚以周垣
通禮歲以仲春亥日致祭縣翻府知府主之縣知
縣主之吏武官及各執事人均如祭

社

稷之禮先三日主祭陪祭執事各官致齊公所掃除
壇上下祭日雞初鳴執事人入設

先農神案於

壇正中南向陳鋤一簠一簋二籩豆各四案前設俎
陳羊一豕一豮前設香案一陳祝文香盤鑪鐙左

恩施縣志

卷三

壇廟

五

設一案東向陳帛一尊一爵三陳福酒胙肉於尊
爵之次設洗於階下之東

禮節質明引班引陪祭官入引贊引主祭官入通
贊贊執事者各司其事贊就位引主祭官至階下
盥手畢就拜位立陪祭官案班就東西拜位立均
北面迎

神上香讀祝行三獻禮祝辭曰維某年月日某官某致
祭於

先農之神曰惟

鞭進耕知府知縣以丞一人執種箱史一人播種
皆耆老一人牽牛農夫二人扶犁各九推九返畢
釋鞭耒以次序立田首西向北上農夫遂終畝告
畢事各官補服望

闕立通贊贊齊班引班分引各官至香案前按班序
立重行北面耆老農夫稍遠列行北面隨立贊跪
叩興行三跪九叩禮興各退各縣則正官率佐貳
丞史耕耨各以耆老二人執箱播種餘儀同

恩施縣學在城南門內

恩施縣志

卷三

壇廟

七

崇聖祠在 大成殿後東

通禮歲以春秋仲月上丁行釋奠禮正獻知府主
之兩序兩廡以知縣教職分獻既割牲省粢盛以
佐貳糾儀以教職司祝司香司帛司饌引贊通贊
引班以學弟子員嫻禮儀者執事在城文武官咸
與祭縣以知縣爲正獻官前期致齊二日祭前一
日飭廟戶潔掃廟宇內外既割牲官公服詣神厨
既割牲如儀正獻官率執事人入學習儀禮生十
四名
教官率樂舞生入學習舞習吹備舞生三十六名
樂工五十二名

夜分具器陳

先師位前牛一羊一豕一登一劔二簠二簋二籩十豆
十鑪一鐙二

四配位前各羊一豕一劔二簠二簋二籩八豆八鑪
一鐙二

十二哲位前劔一簠一簋一籩四豆四東西各羊一
豕一鑪一鐙二殿中設一案少西北向供祝版其
東南設一案西向陳禮神制帛九皐香盤四尊三
爵二十有七西設一案東向陳禮神制帛八香盤

恩施縣志

卷三

壇廟

八

三尊二爵二十有四凡牲陳於俎凡帛正位四配
異篚十二哲東西共篚凡尊實酒承以舟疏布罍
勺具東廡二位同案每位爵一實酒每案簠一籩
一籩四豆四

先賢位前羊二豕二香案一鑪一鐙二

先儒案前羊一豕一香案一鑪一鐙二設案一於南
北向陳禮神制帛二香盤二尊三虛爵六俎籩罍
勺具東西兩廡陳設同設洗於階下之東

通禮樂器陳設兩階編鐘在東編磬在西皆十有

六懸以篋美東應鼓一柷一麾一西敵一東西分
列琴六瑟四簫六篴六箎四排簫二塤二笙六搏
拊二旌二羽籥三十有六

禮節祭之日鷄初鳴各官豫集於明倫堂均朝服
昧爽贊禮生二人引承祭官由大成左側門入又
禮生八人分引兩序兩廡分獻官隨入至階下之
東盥手畢引至階下拜位前立引班引陪祭官由
左右側門入各就拜位序立典儀唱樂舞生登歌
執事者各司其事文舞六佾進贊禮生贊就位承

祭官分獻官陪祭官各就位立典儀贊迎

神司樂贊舉迎

神樂奏昭平之章

大哉孔子 先學先知 與天地參 萬世之師

祥徵麟鳳 韻答金絲 日月既揭 乾坤清夷

樂作贊禮生贊就上香位引承祭官升東階入殿

左門贊詣

先師香案前跪承祭官跪行一叩禮興贊上香司香跪

奉香承祭官上炷香三上瓣香跪行一叩禮興贊

以次詣

四配位前跪上香儀同贊復位引承祭官退降階復位初迎

神時贊禮生分引東西序分獻官各一人升東西階入殿左右門詣

十二哲位前跪上香退降階復位引兩廡分獻官東西各二人分詣

先賢

先儒位前跪上香退復位均如前儀贊禮生贊跪叩

恩施縣志

卷三

壇廟

十

與承祭官分獻官暨陪祭官均行三跪九叩禮興樂止典儀贊奠帛爵行初獻禮贊奏宣平之章

予懷明德 玉振金聲 生民未有 展也大成

俎豆千古 春秋上丁 清酒既載 其香始升

舞羽籥之舞樂作贊禮生引承祭官升階贊詣

先師位前贊跪承祭官跪行一叩禮興司帛跪奉篚承祭官受篚拱舉奠於案司爵跪奉爵承祭官受爵

拱舉奠於墊中跪行一叩禮興贊不贊贊禮生贊就讀

祝位引承祭官至殿中拜位立贊跪承祭官分獻

官暨陪祭官皆跪贊讀祝司祝跪讀祝辭曰維某年月日某官某致祭於

至聖先師孔子曰惟

先師德隆千聖道冠百王揭日月以常行自生民所未有屬

文教昌明之會正禮和樂節之時辟雍鐘鼓咸恪薦於馨香泮水膠庠益致嚴於籩豆茲當仲春祇率秋彝童肅展微忱聿將祀典配以

復聖顏子

恩施縣志

卷三

壇廟

十一

宗聖曾子

述聖子思子

亞聖孟子尙

饗讀畢奉祝版跪安

先師位前筐內三叩興退樂作贊跪叩興承祭官分獻官暨陪祭官均行三叩禮贊禮生引承祭官以次

詣

四配位前跪奠帛獻爵儀同退降階復位

退及殿左門出降階

復位見贊禮生分引兩序分獻官詣

十二哲位前跪奠帛獻爵降階復位均如儀引兩廡
分獻官詣

先賢

先儒位前奠帛獻爵復位儀同樂止亞獻奏秩平之

章舞同初獻

式禮莫愆 升堂再獻 響協鼗鏞 誠孚壘靡

肅肅雍雍 譽髦斯彥 禮陶樂淑 相觀而善

樂作贊禮生引承祭官升階贊詣

先師位前暨

恩施縣志 卷三 壇廟 十三

四配位前奠爵於左如初兩序兩廡隨分獻畢均復

位樂止終獻奏敘平之章舞同亞獻

自古在昔 先民有作 皮弁祭菜 於論思樂

惟天燭民 惟聖時若 彝倫攸敘 至今木鐸

樂作引承祭官升階奠爵於右如亞獻儀兩序兩

廡隨分獻畢均復位樂止文德之舞退典儀贊飲

福受脰贊禮生贊詣受福脰位引承祭官至殿中

拜位立奉福脰二人自東案捧福脰至

先師位前拱舉退立於承祭官之右接福脰二人自西

案進位於左贊禮生贊跪承祭官跪贊飲福酒右
一人跪遞福酒承祭官受爵拱舉以授於左接以
與次受胙如飲福酒之儀贊叩與承祭官三叩與
贊復位引承祭官退降階復位贊跪叩與承祭官
分獻官暨陪祭官均行三跪九叩禮與典儀贊徹
饌奏懿平之章

先師有言 祭則受福 四海蠻宮 疇敢不肅
禮成告徹 毋疏毋瀆 樂所自生 中原有菽
樂作徹畢樂止贊送

恩施縣志

卷三

壇廟

十三

神奏德平之章

鳧繹峩峩 洙泗洋洋 景行行止 流澤無疆
聿昭祀事 祀事孔明 化我蒸民 育我膠庠
樂作贊禮生贊跪叩與承祭官分獻官暨陪祭官
行三跪九叩禮與樂止典儀贊奉祝帛饌送燎有
司各奉祝帛香饌恭送燎所如儀承祭官避立拜
位西旁俟過復位樂作贊禮生引承祭官詣燎所
視燎畢仍引出左側門出樂止陪祀各官皆退

崇聖祠殿內

通禮

正位前各羊一豕一釧二簠簋各二籩豆各八鑪一鐙
二配位前簠一簋一籩四豆四東西羊豕各一鑪
一鐙二中設一案少西供祝版東設一案陳禮神
制帛五醜香盤六尊四爵十有五西設一案陳禮
神制帛四香盤四尊三爵十有二兩廡東二案西
一案每位爵一實酒每案陳設簠簋籩豆羊豕鑪
鐙如配位之數各南設一案陳禮神制帛一香盤
一尊一虛爵三俎篚冪勺皆具設洗於階下之東

恩施縣志

卷三

壇廟

七

禮節上丁同時致祭正獻以教官兩廡分獻以食
餼弟子員各一人贊禮生引承祭官入祠垣左門
引分獻官隨入承祭官詣階下盥手典儀贊執事
者各司其事贊禮生贊就位承祭官分獻官就位
立典儀贊迎

神司香奉香盤就各案前立贊禮生贊就上香位引
承祭官升東階入殿左門贊詣

奉聖王位前跪承祭官跪行一叩禮與贊上香司香跪
奉香承祭官上炷香三上瓣香跪行一叩禮與贊

次詣左右正位前跪上香儀同降階復位贊禮生引分獻官升東西階入殿左右門分詣四配兩廡位前跪上香如儀降階復位贊禮生贊跪叩與承祭官分獻官行三跪九叩禮興典儀贊奠帛爵行初獻禮贊禮生引承祭官升階贊詣

中案前跪承祭官行一叩禮興司帛跪奉篚承祭官受篚拱舉奠於案司爵跪奉爵承祭官受爵拱舉奠於墊中跪行一叩禮贊以次詣左右正位案前跪奠帛獻爵儀同贊禮生贊就讀祝位引承祭官詣

恩施縣志

卷三

壇廟

十五

殿中拜位立司祝至祝案前跪三叩奉祝版跪案左贊跪承祭官分獻官皆跪贊讀祝司祝讀祝辭曰維某年月日某官某致祭於

肇聖王

裕聖王

詒聖王

昌聖王

啟聖王曰惟

王奕葉鍾祥光開聖緒成德之後積久彌昌凡聲教所

覃敷率循源而溯本宜肅明禮之典用申守土之

忱茲屆仲秋聿修祝事配以

先賢孔氏孟皮

先賢顏氏

先賢曾氏

先賢孔氏

先賢孟孫氏尙

饗讀畢興奉祝版跪安

肇聖王位前篚內三叩興退贊禮生贊跪叩興承祭官

恩施縣志

卷三

壇廟

十六

分獻官行三叩禮興贊復位引承祭官出降階復

位贊禮生引正殿分獻官升東西階入殿左右門

詣配位前引兩廡分獻官分詣兩廡位前跪奠帛

獻爵與復位均如正獻儀亞獻各獻爵於左終獻

各獻爵於右均如初儀典儀贊徹饌有司徹饌畢

贊送

神贊禮生贊跪叩興承祭官分獻官行三跪九叩禮

興典儀贊奉祝帛饌送燎司祝司帛司香司爵各

奉祝帛香饌以及恭送燎所如儀承祭官避立西

旁竝過復位贊禮生引詣燎所視燎贊禮畢仍引
出祠垣左門出各退

通禮月朔釋菜望日上香教授教諭訓導等官分
班行禮

恩施縣

忠義孝弟祠

節孝祠

名宦祠在 文廟戟門之左

鄉賢祠在 文廟戟門之右

恩施縣志

卷三

壇廟

十七

通禮春秋釋奠禮畢教職一人公服詣四祠致祭
引贊贊跪主祭官跪讀祝辭曰維某年月日某官
某致祭於

忠義孝弟之靈曰惟

靈稟賦貞純躬行篤實忠誠奮發貫金石而不渝
義問宜昭表鄉閭而共式祇事懋彝倫之大性摯
義蒿克恭念天顯之親情殷棣萼模楷咸推夫懿
德

綸恩特闡其幽光祠宇維隆歲時式祀用陳尊簋來格

几筵尚

饗讀畢以祝文復於案退主祭官俯伏與執事者
酒獻於左又酌酒獻於右退引贊贊跪叩與主祭
官跪三叩與執事者以祝帛送燎引贊引主祭官
出執事者徹皆退各祠致祭儀同

通禮節孝祠祝曰維某年月日某官某致祭於
節孝之靈曰惟

靈純心皎潔令德柔嘉矢志完貞全閨中之亮節
竭誠致敬彰閭內之芳型茹冰蘖而彌堅清操自

恩施縣志

卷三

壇廟

六

勵奉盤匝而匪懈篤孝傳徽

絲綸特沛乎殊恩祠宇昭垂於令典祇循歲祀式薦尊

醪尚

饗餘儀同

謹按通禮名宦鄉賢二祠祝文各省州縣所在異
辭不悉載

恩施縣附府

神祇壇在府城南門外南郡書院之左壇垣久圯

通禮歲春秋仲月諫吉致祭府知府主之縣知縣
主之在城文武各官皆與設案一於壇正中南向

雲雨風雷之神位居中境內

山川之神位左

城隍之神位右案陳劍一簋二簋三籩豆各四案前設
俎陳羊一豕一又前設香案一陳祝文香盤鑪鐙
西設一案陳帛七尊一爵二十有一福酒豚肉於
尊俎之次

禮節祭日有司供具執事人預入序立引班引陪
祭官入引贊引主祭官入通贊贊執事者各司其
事贊就位引主祭官至階下盥手就拜位立陪祭

恩施縣志

卷三

壇廟

十九

官按班就東西拜位立均北面迎神上香讀祝行
三獻禮祝辭曰維某年月日某官某致祭於

雲雨風雷境內

山川之神

城隍之神曰惟

神贊襄天澤福佑蒼黎佐靈化以流行生成永賴乘氣
機而鼓盪溫肅攸宜磅礴高深長保安貞之吉憑
依鞏固寶資捍禦之功幸民俗之殷盈仰

神明之庇護恭修歲祀正值良辰敬潔豆籩祇陳牲

幣尙

饗餘儀節與祭

社稷同

歲孟夏後諏吉雩祭陳設儀注同前若閏不雨及
潦諏宜祀之辰具祝文隨時撰擬備牲牢籩豆香帛尊
爵鑪鐙守土府縣官率屬素服虔禱為民請命行
禮儀節與常祀同既應而報陳設供具朝服行報
祀禮儀節均與祈祀同

恩施縣附府

恩施縣志

卷三

壇廟

三

關帝廟

通禮歲以春秋仲月及五月旬有三日致祭府知
府主之縣知縣主之後殿以丞史執事以禮生是
日昧爽廟祝潔掃殿宇內外具祝版備器陳

神位前牛一羊一豕一豉一鉶二簠簋各二籩豆各十

鑪一鐙二殿中設一案少西北向供祝版東設一

案陳禮神制帛一皀香盤一尊一爵二牲陳於俎

帛實於篚尊實酒冪勺具設樂於西階上設洗於

東階上承祭官拜位在殿內正中

按今郡中現行之禮文東武西

拜位皆在階上惟上香讀祝則承祭
官拜位在殿內正中祭文昌廟同

禮節質明承祭官朝服詣廟贊禮生二人引承祭
官由廟左門入至東階上盥手畢進殿東門詣拜
位前立典儀贊執事者各司其事贊禮生贊就位
引承祭官就位立典儀贊迎

神樂奏格平之章

懿鍊兮焜煌

神威靈兮赫八方

偉烈昭兮累禩

祀事明兮永光

達精誠兮黍稷馨香

儼如在今洋洋

樂作贊

恩施縣志

卷三

壇廟

廿

禮生贊詣上香位引承祭官就香案前立贊上香
司香跪奉香承祭官上炷香三上瓣香畢贊復位
引承祭官復位立贊跪叩興承祭官行三跪九叩
禮典儀贊奠帛爵行初獻禮有司揭尊罍勺挹
酒實爵樂奏翊平之章

英風颯兮

神格思

紛羽蓋兮龍旂

斟桂醕兮盈卮

香始升

兮明粢

惟降鑒兮在茲

流景祚兮翊昌時

樂作司帛奉篚司爵奉爵各進至

神位前司帛跪奠篚於案三叩興司爵立獻爵於案正中各退司祝詣祝案前跪三叩興奉祝版跪案左樂暫止贊禮生贊跪承祭官跪典儀贊讀祝司祝讀祝辭曰維某年月日某官某致祭於

忠義神武靈佑仁勇威顯護國保民精誠綏靖闕聖大帝神位前曰惟

神星曰英靈乾坤正氣允文允武紹聖學於千秋至大至剛顯神威於六合仰聲靈之赫濯崇典禮於馨香茲當仲春用昭時饗惟祈

恩施縣志

卷三

壇廟

廿二

昭格克鑒精虔尙

饗讀畢以祝版跪安於篚內叩如初興退贊禮生贊叩興承祭官行三叩禮典儀贊行亞獻禮樂奏恢平之章

觴再酌兮告虔 舞干戚兮合宮懸 歆苾芬兮

潔蠲 扇巍顯翼兮

神功宣 樂作司爵獻爵於左如初獻儀典儀贊行終獻禮樂奏靖平之章

鬱鬯兮三申 羅籩簋兮畢陳 儀卒度兮肅明

禮

神降福兮宜民宜人 樂作司爵獻爵於右如亞獻儀
典儀贊徹饌樂奏彝平之章

物惟備兮咸有 明德惟馨兮

神其受 告徹兮禮終罔咎 佑我家邦兮孔厚 樂

作有司徹畢贊送

神樂奏康平首章

幢葆歲蕤兮

神聿歸 馭鳳軫兮驂虬駢 降烟燭兮餘飶醑 願

恩施縣志

卷三

壇廟

廿三

回靈盼兮德洽明威 贊禮生贊跪叩興承祭官

行三跪九叩首禮興樂止典儀贊奉祝帛饌送燎

有司奉祝帛香饌以次送燎如儀贊望燎樂奏康

平二章

焄蒿烈兮燎有輝

神光遙燭兮祥雲霏 祭受福兮茂典無違 庶揚駿

烈兮永尊疆畿 贊禮生引承祭官詣燎位眠燎

禮畢樂止各官皆退

通禮同日祭後府縣均以承也將事

光昭王位中

裕昌王左

成忠王右均南向位各異案每案羊一豕一釧二簠簋各二籩豆各八鑪二鐙二殿中設案少西北向供祝版東西各設一案分陳禮神制帛三醜香盤三爵九尊三俎篚粟勺具設洗於後垣門內甬道東承祭官位殿檐下正中執事人各以其職爲位如常儀質明承祭官由前左門入後垣中門盥手升階就位迎

恩施縣志

卷三

壇廟

廿四

神引詣正位前上香畢以次詣左右位前上香復位行二跪六叩禮初獻讀祝如儀祝辭曰維某年月日某官某致祭於

關帝之

曾祖光昭王

祖裕昌王

父成忠王曰惟

王世澤覃麻令儀裕後靈鍾河嶽篤生神武之英誠溯淵源宜切尊崇之報班爵超躬桓而上升香肅祀

豆之陳茲際

仲春秋爰修祀事尙祈

昭鑒式此苾芬尙

饗凡儀節皆與前殿同咸豐七年奉文加太牢致祭

通禮五月十三日致祭於

關帝廟前殿

神位前陳牛一羊一豕一果實五盤鑪鐙具陳設及行

禮儀節與春秋祭同祝辭曰維某年月日某官某

致祭於

恩施縣志

卷三

壇廟

廿五

忠義神武靈佑仁勇威顯護國保民精誠綏靖關聖大

帝神位前曰惟

神九宇承庥兩儀合撰崧生嶽降溯誕聖之靈辰日午

天中屆恢台之令序聰明正直壹者也千秋徵胙

蠶之隆盛德大業至矣哉六幕肅馨香之薦爰循

懋典式展明禋苾芬時陳精誠

鑒格尙

饗

通禮同日致祭後殿每案羊一豕一果實五盤與

儀不贊徹饌司爵以執事生餘陳設及行禮儀飾
與春秋祭同祝辭曰維某年月日某官某致祭於
關帝之

曾祖光昭王

祖裕昌王

父成忠王曰惟

王迪德承家累仁崧生嶽降識毓聖之有基本本水源
宜推恩之及遠封爵特超於五等馨香永薦於千
秋際仲夏之屆時命禮官而將事惟祈

恩施縣志

卷三

壇廟

共

昭格鑒此精虔

恩施縣附府

文昌廟原在城南門外即衛學舊址今改爲書院嘉慶
三年知施南府事前恩施縣知縣尹英圖移建於
城內鼇脊山上 通禮歲以二月三日暨仲秋月
諏吉致祭具祝版備器陳設洗辨位設樂均與祭
關帝廟同

禮節祭日昧爽廟祝潔掃殿宇內外具祝版備器

陳

神位前 牛一羊一豕一豮一登一釧二簠簋各二籩豆
各十鑪一鐙二殿中設一案少西北向供祝版東
設一案陳禮神制帛一白香盤一尊一爵三凡牲
陳於俎帛實於篚尊實酒冪勺具設樂於西階設
洗於東階上承祭官拜位在殿內正中執事各以
其職爲位質明承祭官朝服詣廟贊禮生二人引
承祭官由廟左門入至東階上盥手畢進殿東門
詣拜位前立典儀贊執事者各司其事贊禮生贊
就位引承祭官就位立典儀贊迎

恩施縣志

卷三

壇廟

廿七

神樂奏丕平之章

秉氣兮靈躔

翊文運兮赫中天

蜺旌兮戾止

雕俎兮告虔

迓

神庥兮于萬斯年

樂作贊禮生贊詣上香位引承祭

官就香案前立贊上香司香跪捧香承祭官上炷

香三上辦香畢贊復位引承祭官復位立贊跪叩

興承祭官行三跪九叩禮興典儀贊奠帛爵行初

獻禮有司揭尊冪勺挹酒實爵司帛捧篚司爵捧

爵進至

神位前司帛跪奠篚三叩興司爵立獻爵於案正中樂
奏俶平之章

神之來兮籩簠式陳

神之格兮几筵式親

極昭彰兮靈貺

致蠲潔兮明

禋升香兮伊始

居歆兮佑我人民

各退司祝

詣祝案前跪三叩興捧祝版跪案左樂暫止贊禮
生贊跪承祭官跪典儀贊讀祝司祝讀祝辭曰維
某年月日某官某致祭於

文昌帝君之神曰惟

恩施縣志

卷三

壇廟

廿

神功參橐籥撰合乾坤溯誕降之靈辰三台紀瑞度中
和之令節九宇承暉若日月之有光明闡大文於
孝友如天地無不覆載感至治於馨香爰舉上儀
敬陳芳薦精禋罔覈

神鑒式臨尙

響讀畢興以祝版安於篚叩如初興退贊禮生贊跪
叩興承祭官行三叩禮興典儀贊行亞獻禮司爵
獻爵於左樂奏煥平之章

再酌兮瑤觴

燦爛兮庭燎之光

申虔禱兮

神座 儼陟降兮

帝旁 粢醴潔兮齊邀將 綏景運兮靈長 贊行終

獻禮司爵獻爵於右樂奏煜平之章

禮成三獻兮樂奏三終 覃敷元化兮絜

神功 馨香達兮肸鬯通 歆明德兮昭察寅衷 均

如初獻儀典儀贊徹饌樂奏懿平之章

備物兮惟時 告徹兮終禮儀

神悅懌兮鑿在茲 垂鴻佑兮累洽重熙 有司徹畢

贊送

恩施縣志

卷三

壇廟

廿

神樂奏蔚平首章

雲駢駕兮風旂招

神之歸兮天路遙 瞻翠葆兮企丹霄 願迴靈眷兮

福我朝 贊禮生贊跪叩與承祭官行三跪九叩

禮興樂止典儀贊捧祝帛饌送燎有司捧祝帛香

饌以次送燎贊望燎樂奏蔚平二章

烟煜降兮元氣和

神光燭兮梓潼之阿 化成耆定兮橐弓戢戈 文治

光兮受福則那 贊禮生引承祭官詣燎位視燎

禮畢樂止承祭官及執事者皆退

咸豐七年奉文升入中祀另

添春祭通禮同日祭後殿

文昌帝君先代神位前設一案陳羊一豕一釧二簠簋各二籩豆各八鑪一鐙二承祭官行二跪六叩禮祝辭曰維某年月日某官某致祭於

文昌帝君先代之神曰惟

神道備中和神超亭毒稟胎謀而允紹欽毓聖之有基雲漢昭回際嶽降崧生之會馨香感格興水源木本之思式肇明禋用光彝典尙祈

恩施縣志

卷三

壇廟

三

神鑿享此清芬尙

鑿餘陳設器數及行禮儀節均與祭

關帝廟後殿同

恩施縣附府

龍神祠在府城南門內縣學之西嘉慶十五年知府譚光祥建

通禮歲以春秋仲月辰日致祭前期有司具祝文飭廟戶潔掃祠宇拂拭神案備執事人具器陳羊一豕一簠簋各二籩豆各十鑪一鐙二陳祝文於

案左陳帛一香盤一壺一爵三於案右

禮節主祭官朝服詣祠贊禮生二人引入拜位前立典儀贊迎

神樂作贊禮生就上香位引主祭官就香案前立司帛自右奉香盤進主祭官上炷香三上辦香訖贊復位引主祭官復位贊跪叩與主祭官行三跪九叩禮興典儀贊奠帛爵行初獻禮司帛跪奠篚獻帛於案三叩與司爵酌酒實爵獻於正中皆退司祝詣祝案前跪三叩興奉祝版跪案左樂暫止典儀

恩施縣志

卷三

壇廟

世

贊讀祝引贊贊跪主祭官暨各官皆跪祝辭曰維某年月日某官某致祭於

龍王之神曰惟

神德洋洋寰海澤潤蒼生永襄水土之平經流順軌廣濟泉源之用膏雨及時績奏安瀾占大川之利涉功資育物欣庶類之蕃昌仰藉

神庥宜隆報享謹修祀典式協良辰敬布几筵肅陳牲幣尙

饗祝辭本湖

北通志

讀祝畢興奉祝版安於篚叩如初贊禮

生贊跪叩與主祭官及各官行三叩禮與典儀贊行亞獻禮司爵酌酒獻於左典儀贊行三獻禮司爵酌酒獻於右退迺徹饌送
神引贊贊跪叩與主祭官行三跪九叩禮與執事者以祝帛送燎禮畢各退

施南府

昭忠祠在 府城隍廟內右側

通禮歲春秋仲月諏吉致祭陳設器數儀節與忠孝節義祠同

恩施縣志

卷三

壇廟

世二

恩施縣附府

厲壇在府城北門外振武橋之北

通禮歲三月寒食節七月望十月朔祭厲壇於城

北郊

禮節前期守土官飭所司具香燭公服詣

神祇壇以祭厲告

本境城隍之神上香跪三叩與退至日所司陳羊三豕
三米飯三石尊酒棉帛於祭所設燎鑪於壇南質
明贊禮生二人引守土官公服詣

神位前贊跪守土官跪贊上香守土官三上香贊叩興
守土官三叩興退執事者焚棉帛守土官詣燎鑪
前祭酒三爵退禮生仍奉

城隍神位還

神祇壇退

迎

詔

通禮有司豫於公廡設屏南向屏前設

詔案又前設香案案東設臺階下爲文武官拜位文東

恩施縣志

卷三

壇廟

世三

武西重行異等如朝賀儀紳士班於文官之末耆
老軍民集於武官之末皆北面宣詔官一人展詔
官二人立臺下西面通贊者立香案左右引禮生
立百官班位左右皆東西面

禮節

詔及郊守土官備龍亭旗仗出迎使者承

詔書以架奉陳龍亭內乘馬後隨鼓樂前導文武官朝

服出迎道右跪候過輿先至公廡門外序立紳士

耆老軍民畢會

詔至門跪迎如初禮使者下馬從龍亭入衆隨入使者
奉

詔書陳於案退立案東西面引禮生引羣官就位北面
立通贊贊跪叩興衆行三跪九叩禮贊宣

詔使者奉

詔授宣詔官復位立宣詔官跪接登臺展詔二人從升
均西面展

詔書宣讀訖復於案皆降衆聽贊復行三跪九叩禮如
初退

恩施縣志

卷三

壇廟

卅四

聖諭官講

通禮月朔望府縣各飭所部民齊集公所選醕謹
耆老一人爲約正有司公服涖恭宣

世祖章皇帝欽定六諭

聖祖仁皇帝聖諭十六條

世宗憲皇帝聖諭廣訓兵民圍聽宣畢各退鄉堡擇適
中地爲鄉約所選老成公正一人爲約正樸實謹
守者三四人值月按期集所部民宣講

聖諭擇律文內民俗易犯者咸宣示之守土官實力董

率並飭縣令教職隨時巡行宣導

迎春

通禮先立春日府縣於東郊造芒神土牛立春在十二月望後芒神執策當牛肩在正月朔後當牛腹在正月望後當牛膝示民農事早晚

禮節屆立春日吏設案於芒神春牛前陳香燭果酒之屬案前布拜席通贊執事者於席左右立府縣正官率在城文武官丞史以下朝服畢詣東郊立春時至通贊贊行禮正官一人在前餘以序列

恩施縣志

卷三

壇廟

卅五

行就拜位贊跪叩與衆行一跪三叩禮執事者舉壺爵跪於正官之左正官受爵酌酒酌酒三授爵於執事者復行三叩禮衆隨行禮興迺昇芒神土牛鼓樂前導各官後從迎入城置於公所各官執采杖環立樂工擊鼓擊土牛三迺各退

鄉飲酒禮

通禮歲孟春望日孟冬朔日舉行鄉飲酒之禮於學官府以守縣以令爲主人以鄉之年高六十以上有德行者一人爲賓其次一人爲介又其次爲

衆賓以教官一人爲司正學弟子習禮者二人司爵二人贊禮二人引禮一人讀律令僚佐皆與前期戒賓賓禮辭許戒介亦如之右戒賓介先一日

司正率執事者詣講堂肄儀設監禮席次於庭東北面布賓席於堂西北南向主人席於東南西向介席於堂西南東向衆賓之長三人席於賓西南向東上皆專席不屬衆賓於西序東向僚佐席於東序西向皆北上司正席於主人之東北向如大鄉

夫來觀禮者坐於東北三品以上設律令案一於席南向四五品席西向無則闕之

恩施縣志

卷三

壇廟

廿六

主介間正中東西肆設尊案一於東序端南北肆設樂於西階下如儀右陳設布席

禮節屆日質明執事者入具饌設尊於案實酒於尊加罍勺觶爵在尊北讀律令者奉律令陳於中案監禮者朝服詣學宮主人率司正及僚屬咸朝服入迺使人速賓介屆時賓介盛服至序立於庠門外之右介居賓南衆賓居介南皆東面北上執事以賓至告於主人主人出迎賓西面揖賓介以下東而答揖主人入門左賓揖介介揖衆賓以次

入門右當階主人揖及階揖賓皆答揖主人與賓讓升三讓賓三辭主人升賓迺升主人東階上賓西階上贊者贊拜主人西面再拜賓東面答拜與卽席主人降延介一讓升介升拜如賓禮就位主人迺延衆賓衆賓以次皆升主人揖賓長皆答揖衆賓卽席主人率僚佐以下皆卽席右迎賓贊者贊揚觶執事者引司正由東階升詣堂中賓介皆起立贊揖司正揖賓介以下答揖司爵詣酒尊所舉罍酌酒於觶進授司正司正揚觶而語曰

恩施縣志

卷三

壇廟

廿七

恭惟

朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄友弟恭內睦宗族外和鄉黨無或廢墜以忝所生讀畢贊者贊司正飲酒司正立飲畢以觶授執事者反於案贊揖司正揖賓介以下皆揖司正復位賓介以下皆坐右揚觶贊讀律令執事者舉律令案於中堂引禮引讀律令者就案前北面立賓介主人以下聽贊咸起立旅揖如司正揚觶禮迺讀律

令曰律令凡鄉飲酒序長幼論賢良高年有德者居上其次序齒列坐有過犯者不得干與違者罪以違制失儀則揚解者以禮責之讀畢復位賓介以下皆坐右讀律令贊者贊供饌執事者舉饌案於賓前次介次主人衆賓以下徧舉訖贊獻賓主人起離席北面立司爵詣酒尊所酌酒實爵授主人主人授爵詣賓席奠於案稍退賓避席立於主人之左贊拜主人再拜賓答拜皆復位立贊賓辭主人賓離席司爵酌酒授賓賓受爵介從詣主人

恩施縣志

卷三

壇廟

卅八

席前拜送爵主人答拜如前儀復位主人起獻介介酢主人如前儀皆坐執事者徧獻三賓衆賓爵訖右獻賓賓酢主人酒數行工升歌周詩鹿鳴三章卒歌笙奏

御製補南陔詩辭曰我逝南陔言陟其帖昔我行役瞻望有父欲養無由風木何補我逝南陔言陟其吧今我行役瞻望有母母也倚閭歸則甯止南陔有筍籜實勺之孱孱孩提孰噢咻之慎爾溫清潔爾旨饋今爾不養日月其愴

御製補白華詩辭曰有白者華不污穢塵容爾士兮宜
修其身不修其身乃貽羞於二人有白者華婉茲
靜好咨爾女兮宜修婦道不修婦道迺貽羞於二
老白華匪玉涅而不緇白華匪蘭芳迺勝之我擷
白華載詠載思白華匪玉質王之令白華匪蘭臭
蘭之淨我擷白華載思載詠

御製補華黍詩辭曰瞻彼阪田厥黍始華胠足胠手嗟
我農家瞻彼阪田黍華以秀胠手胠足惟勤斯茂
華有不秀矣秀有不實矣其雨其雨矣杲杲日出

恩施縣志

卷三

壇廟

卅九

矣愁予愁之恤矣閒歌周詩魚麗南有嘉魚南山
有臺三章笙奏

御製補由庚詩辭曰王庚便便東西朔南六符調燮八
風節宣王庚容容湖南西東維敬與勤百王道同
王庚廓廓東西南朔先憂而憂後樂而樂王庚恢
恢南湖東西皇極孰建惟德之依

御製補崇邱詩辭曰澗松童童蛙黽鄰兮邱草萋萋蕩
青雲兮凡百君子慎迺託身兮澗松童童澗則卑
兮邱草萋萋邱則崎矣凡百君子審迺所依兮有

崇者邱物無不遂有卓著道愚無不智資生育德
永植無替

御製補由儀詩辭曰在上曰天在下曰地君君臣臣父
父子子在下曰地在上曰天父父子子君君臣臣
由其儀矣物則熙矣儀其由矣物則休矣迺合樂
歌周南關雎三章召南鵲巢三章卒歌工告備出
執事者行酒主賓以下飲無算爵右樂賓贊禮贊
徹饌衆起離席主人率僚屬在東西上賓介在西
東上皆北面贊拜主人再拜賓介以下皆再拜賓

恩施縣志

卷三

壇廟

四

降西階出介及衆賓從立庠門外之右東面北上
主人降東階出僚屬從送賓於庠門外之左西面
旅揖賓介退禮卒無愆監禮者出主人率僚屬送
於庠門外皆退右徹饌賓出

日月食救護

通禮府縣遇日月食各按欽天監推定時刻分秒
隨時救護各於公署均以正官一人領班行禮正
貳教職二人糾儀學弟子員二人通贊二人引班
陰陽官一人報時至日設香案於露臺上爐藥具

早晚隨日月爲向糾儀通贊引班分列於香案左
右布各官拜席於香案陳金鼓於儀門外樂舞生
二人奉小鼓於露臺下各官素服陰陽官報日月
初虧通贊贊齊班引班引各官至拜位前立重行
異等少進贊跪叩與衆行三跪九叩禮贊上香班
首官進至香案前三上香畢復位贊跪皆跪贊伐
鼓樂舞生奉鼓進跪於左正官伐鼓三聲儀門外
金鼓振作乃按班更番上香祇跪糾儀二人更番
祇立並如前儀陰陽官報日月復圓金鼓聲止通
贊贊齊班衆官至拜位前立聽贊行禮如初畢各
退

恩施縣志

卷三

壇廟

四

旗燾神致祭之禮

通禮每歲秋季霜降日申令本標弁卒校閱於演
武場前一日各營將弁肅隊伍赴校場豫立軍幕
屆日黎明軍士擐甲列陣中軍建大燾於場正中
闔帥以牲醴致祭行二跪六叩禮中軍以下將士
均隨行禮畢軍門鼓吹節鉞前導闔帥徧閱行陣
還登將臺升帳儀衛左右分列諸將擐甲傳臺下

中軍詣帳前上行陣圖式請令操兵迺舉旗麾衆
合操

文廟祀典源流附

漢高祖十二年過魯以太牢祀孔子平帝元始初追
諡曰褒城宣尼公明帝永平二年令郡縣學校皆
祀周公孔子十五年祀孔子及七十二弟子於闕
里魏正始七年始祀於辟雍以顏回配宋文帝元
嘉二年釋奠太學樂用登歌南齊武帝永明三年
議釋奠禮設軒懸之樂六佾之舞牲牢器用悉依

志施縣志

卷三

壇廟

三

上公北魏孝文帝太和十六年詔改諡宣尼曰文
聖尼父北齊制春秋二仲行釋奠禮每月旦祭酒
領博士以下拜孔尼顏郡學於坊內立孔顏廟博
士下亦每月朝北周宣帝大象二年詔封孔子爲
鄒國公立後承襲唐高祖武德七年詔以周公爲
先聖孔子配享祭以上丁與大祀遇用伸丁州縣
常用上丁唐貞觀中升孔子爲先聖配以顏回
州縣皆作孔子廟尋尊孔子爲宣父以左邱明卜
子夏公羊高穀梁赤伏勝高堂生戴聖毛萇孔安

國劉向鄭衆杜子春馬融盧植鄭元服虔何休王
肅王弼杜預范甯賈逵共二十二人並爲先師配
享議國學以國子祭酒爲初獻牲用太牢州縣以
刺史縣令爲祭主牲用少牢高宗永徽中復以周
公爲先聖孔子爲先師顯慶二年詔周公別配享
武王乾封元年追贈孔子太師總章元年贈顏回
太子少師曾參太子少保並配享中宗嗣聖七年
封孔子爲隆道公元宗開元八年詔以十哲與祀
帝親爲顏子贊書於石二十七年追諡孔子爲文

恩施縣志

卷三

壇廟

聖

宣王位正南面衣以袞冕兩京牲用太牢樂宮縣
舞六佾州縣牲以少牢無樂十哲東西列侍顏子
贈公餘贈侯宋真宗大中祥符元年追諡孔子元
聖文宣王追封叔梁紇齊國公五年以國諱改諡
孔子曰至聖文宣王神宗元豐六年詔封孟子鄒
國公七年始以孟子同顏子配食荀况楊雄韓愈
並封伯爵從祀崇寧元年詔封孔鯉孔伋侯爵三
年詔以王安石配享又詔文宣王殿以大成爲名
四年詔文宣王用冕十二旒大觀二年詔躋子思

從祀四年詔封孔子弟子公夏首等十人爲侯政
和三年詔王安石子雱從祀五年詔州縣孟子廟
以樂正子配享封侯公孫丑以下從祀封伯欽宗
靖康元年詔降王安石祀兩廡四年詔去王雱從
祀理宗寶慶三年追封朱熹公爵清祐元年加周
敦頤張載程灝程頤伯爵與朱熹並從祀黜王安
石從祀景定二年復加張栻呂祖謙伯爵從祀咸
淳三年始以曾參孔伋與顏孟同配享爲四配升
顓孫師於十哲封公爵列邵雍司馬光從祀雍封
伯爵又詔以孔鯉列孔忠之次元大德十一年加
號孔子大成至聖文宣王皇慶二年以許衡從祀
又詔封孟子父激爲邾國公六年追封周敦頤公
爵又封蘧瑗侯爵從祀至順元年加封叔梁紇爲
啟聖王加封子思沂國述聖公顏子兗國復聖公
曾子邾國宗聖公孟子鄒國亞聖公程灝豫國公
程頤洛國公以董仲舒從祀位列七十子下三年
封顏子父無繇公爵至正二十二年封楊時李侗
胡安國蔡沈真德秀公爵明洪武五年新建太學

恩施縣志

卷三

壇廟

四

大成門左右列戟二十四又前爲櫺星門詔天下
祀孔子釋奠禮三獻十哲兩廡一獻祭各以正官
分獻則以本學儒職春秋仲月上丁行事十七年
敕每月朔望國學行釋菜禮郡縣長以下詣學行
香二十六年頒大成樂器於天下府學令州縣學
式於府學二十九年以董仲舒從祀封伯罷楊雄
英宗正統二年以胡安國蔡沈真德秀從祀三年
禁祀孔子於釋老宮創啟聖王殿於闕里伯魚子
哲加封公與顏孟父並從祀正統八年封吳澄公

恩施縣志

卷三

壇廟

四十五

爵從祀憲宗成化十二年詔增樂舞爲八佾孝宗
宏治八年以楊時從祀嘉靖九年改大成至聖文
宣王曰至聖先師孔子定四配曰復聖顏子宗聖
曾子述聖子思子亞聖孟子東西十哲兩廡孔門
弟子曰先賢某子左邱明以下曰先儒某子又別
立祠祀叔梁紇爲啟聖公以顏無繇曾點孔鯉孟
孫激配享稱先賢程珦朱松蔡元定從祀稱先儒
罷公伯寮秦冉顏何荀况戴聖劉向賈逵馬融王
肅王弼何休杜預吳澄十三人又以申黨申棖實

係一人去黨存棖增祀后蒼王通歐陽修胡瑗陸九淵而以林放蘧瑗鄭衆盧植鄭元服虔范甯七人各祀於其鄉撤諸塑像易以木主改大成殿曰先師廟大成門曰廟門大學用八脩十二豆邊郡國減二等自四配以下舊封公侯伯爵盡行釐革隆慶五年以薛瑄從祀萬曆十二年益以王守仁陳獻章胡居仁二十三年以周輔成從祀啟聖祠四十一年以羅從彥從祀四十五年以李侗從祀國朝順治元年定月朔及進士釋褐釋菜禮月望行

恩施縣志

卷三

壇廟

四

香儀十四年行經筵禮親祭先師孔子

聖祖仁皇帝康熙二十三年

御書萬世師表扁額頒發各學廟庭二十五年文華殿告成設孔子位於傳心殿三十八年

詔各學設樂器三十九年

御製至聖先師贊暨四賢贊頒學勒石五十一年
特諭升朱子於十哲之次五十三年

詔以宋儒范仲淹從祀

世宗憲皇帝雍正元年

命追封孔子五代王爵曰肇聖裕聖詒聖昌聖啟聖蔭
啟聖祠改爲崇聖祠二年

命增定從祀先賢先儒復林放蘧瑗秦冉顏何鄭元范甯增縣直牧皮樂正克公都子萬章公孫丑諸葛亮尹焞魏了翁黃幹陳涪何基王柏趙復金履祥許謙陳澔羅欽順蔡清陸隴其增張迪入崇聖祠
三年

詔郡縣丁祭用太牢奉部頒文廟禮樂圖籍四年
御書生民未有扁額頒懸各學廟五年

恩施縣志

卷三

壇廟

四七

諭直省內外逢先聖誕辰一日齊戒
命諱孔子名加丁爲邱

高宗純皇帝乾隆二年

詔復祀吳澄三年

詔升有子於十哲位卜子之次

御書與天地參扁額頒懸各學廟八年頒文廟祭祀樂
章九年

詔禁道釋家奉孔子二十一年從衍聖公昭煥及九卿
議黜孟廟告子從祀定爲浩生不害又樂正子四

人改書先賢某子陳臻以下至韓愈十五人改書
先儒某氏以孔道輔有倡立孟廟功亦書先儒某
氏

仁宗睿皇帝嘉慶五年

御頒聖集大成扁額

宣宗成皇帝道光元年

御頒聖協時中扁額二年以明儒劉宗周從祀三年以
湯斌從祀五年以黃道周從祀六年以唐儒陸贄
明儒呂坤從祀八年以孫奇逢從祀二十三年以

恩施縣志

卷三

壇廟

巽

宋儒文天祥從祀二十九年以宋儒謝良佐從祀

文宗顯皇帝咸豐 年

御頒德齊疇載扁額元年以宋儒李綱從祀二年以宋
儒韓琦從祀三年以公明儀從祀七年以孔孟皮
配饗崇聖祠以鄭公孫僑從祀九年以宋儒陸秀
夫從祀十年以明儒曹端從祀

皇上同治 年

御頒聖神天縱扁額二年以漢儒毛亨明儒方孝孺

呂柟從祀